



ATASSUT

UPA 2016/119

Siverth K. Heilmann

06.05. 2016

2016-imi aasartinnagu Telepost A/S-imi piginnittuunermut periusissiamik ersarissumik Naalakkersuisut suliaqarnissaannik Inatsisartunut aalajangiiffigisassatut siunnersuut. Piginnittuunermut periusissiami tele-p iluani namminersortunngorsaanissami pilersaa- rutit naatsorsuutiginninnerillu ersarissumik allanneqarsimassapput. Tamatuma saniati- gut ingerlassanut Telepost A/S-mut toqqaannartumik imminut akilersinnaanngitsunut Telepost A/S-ip aningaasaliinissaanut qanoq naatsorsuutiginninnerit ersarissarneqarsi- massapput, taakkununggalu søkabel-ip tallineqarnissaanut radiokæde-llu pitsanngor- sarneqarnissaanut pisat ilaapput.

(Inatsisartunut ilaasortaq Kalistat Lund, Inuit Ataqatigiit)

Aallarniutigalugu ATASSUT-mit siunnersuummik saqqummiussisoq qutsavigssavarput soqutiginaraluaqisumik siunnersuummik saqqummiussaqaqarneranut.

ATASSUT-mit isumaqarput inuutissarsiornermi ingerlatsinermi unammillerneq peqqinnartuusooq, aammalu inuutissarsiornermik ingerlatsineq sapinngisamik niuernermik ingerlatsinermi unammillernikkut atugassarititaasut naapertorlugit ingerlasariaqartut. Taamatut oqareeraluarluta, taamaattoq ATASSUT-mit eqqummaariffigeqqissaarparput liberaliusumik politikikkikut isummersortuugaluarluta, aamma politikkerisut nunatsinni isorartoqisumi innuttaasutsinnut akisussaaffeqarnerput. Nunatsinni innuttaasunut nunatta ineriartortinneqarneranut peqataanissamut teknologi nutaanerusooq pingaaruteqartorujussuuvoq, tamat oqartussaaqataanerannut annertuumik pingaaruteqarluni aammalu innuttaasut ataasiakkaat ilaatigut isorliunerusuniittut avammut attaveqarsinnaanerannut periarfissaqartitsisuulluni.

ATASSUT-mit eqqummaariffigisorujussuuvarput Telepost A/S-ip kisermaassilluni ingerlatsinerata allannortinneqarsinnaanera aammalu namminersortunngorsarneqarsinnaanera isiginiarneqassappat pipallataanngitsumik suliarineqarnissaa.



Taamaattumik ATASSUT-mit maanna Naalakkersuisut Nalunaarasuartaateqarnermut peqqussutsip 2006-meersumut malitsigisillugu, namminersortunngorsaasoqassapput iluaqutit ajoqutillu suusinnaaneriniq nalilersuutaasinnaasumik inuiaqatigiit aningaasaqarnerannut qanoq sunniuteqarsinnaaneraniq misissueqqissaarluni suliaqartitsinerat iluarisimaarallarparput, Naalakkersuisullu maannamut naatsorsuutigivaat 2016-mi suliap naammassineqarluni inerineqarnissaa.

Tamanna eqqarsaatigalugu ATASSUT-mit pissusisamisoornerusoraarput inerititaqarfiusumik oqallinnissamut tunngavissat piareerpata oqallinnerup ingerlanneqarnissaa.

Taamatut oqaaseqarluta ATASSUT-mit Naalakkersuisut siunnersuummut akissuteqaataat tusaatissatut tigullutigu siunnersuutip itigartinneqarnissaa innersuussutigissavarput, suliat siunnersuuteqartup ugartugai aallartinneqareersimasatut oqaatigineqarsinnaasut tunngavingalugit.

Qujanaq!